

**Pengarah syarikat perumahan juga akan kena
Malaysiakini.com
September 23, 2010**

Kerajaan bukan saja akan mengenakan tindakan tegas kepada pemaju tetapi juga pengarah syarikat pemaju hartanah jika mereka gagal membina rumah atau hartanah berkualiti untuk pembeli.

Menteri Perumahan dan Kerajaan Tempatan, Datuk Chor Chee Heung, berkata ia termasuk menyenarai hitam mereka yang berkenaan.

"Selain itu tindakan juga akan dikenakan kepada pemilik asal tanah yang bersembunyi di sebalik syarikat nominee yang projeknya terbengkalai atau didapati melakukan kerja tidak berkualiti," katanya kepada pemberita di Kuala Lumpur hari ini.

Chor berkata, secara purata pihaknya menerima 250 aduan setiap tahun daripada pembeli hartanah yang kebanyakannya mengenai mutu bahan binaan selain kualiti kerja yang rendah.

"Kerajaan juga akan mengetatkan peraturan untuk menjadi pemaju hartanah," katanya selepas perasmian pameran mengenai bahan binaan dan teknologi binaan, Buildtech 2010, di Kuala Lumpur.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/143454>